

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) na prijedlog Ministarstva zdravstva, Vlada Zeničko-dobojskog kantona, na 184. sjednici, održanoj dana 08.12.2022. godine, d o n o s i

ZAKLJUČAK

I.

Prima se na znanje Informacija Ministarstva zdravstva u vezi sa stavom Zavoda zdravstvenog osiguranja Zeničko-dobojskog kantona da se integrisani zdravstveni informacioni sistem na području Zeničko-dobojskog kantona neće finansirati iz sredstava Zavoda zdravstvenog osiguranja Zeničko-dobojskog kantona broj: 11-11-18021/22 od 06.12.2022. godine i čini sastavni dio ovog zaključka.

II.

Stavljaju se van snage Zaključci Vlade Zeničko-dobojskog kantona broj: 02-37-17278/19 od 22.11.2019. godine, broj: 02-33-10324/22 od 28.06.2022. godine i broj: 02-33-12603/22 od 18.08.2022. godine.

III.

Zadužuje se Zavod zdravstvenog osiguranja Zeničko-dobojskog kantona da nastavi implementaciju sanacije komunikacijske mreže za zdravstveni informacioni sistem Zeničko-dobojskog kantona i da nastavi aktivnosti na projektu nabavke i polaganja optičkog kabla za povezivanje Zavoda zdravstvenog osiguranja Zeničko-dobojskog kantona sa JU Kantonalna bolnica Zenica, JU Zavod za medicinu rada i sportsku medicinu Zeničko-dobojskog kantona i JU „Dom zdravlja“ Zenica.

IV.

Zadužuje se Ministarstvo zdravstva da Vladi Zeničko-dobojskog kantona dostavlja redovne informacije u vezi sa nastavkom „Projekta unapređenja zdravstvenog sistema“, po osnovu kreditnog sporazuma na državnom nivou, koji će provoditi Federalno ministarstvo zdravstva, koji će se provoditi u narednih 6 godina, a čiji početak je planiran u 2023. godini.

V.

Zaključak stupa na snagu danom donošenja.

PREMIJER

Mirnes Bašić

Broj: 02-_____/22
Datum, 08.12.2022. godine
Z e n i c a

DOSTAVLJENO:

1x Ministarstvo zdravstva,
1x Zavod zdravstvenog osiguranja Zeničko-dobojskog kantona,
putem Ministarstva,

INFORMACIJA

Cilj Informacije je upoznati Vladu Zeničko-dobojskog kantona u vezi sa stavom Zavoda zdravstvenog osiguranja Zeničko-dobojskog kantona (u daljem tekstu: Zavod) da se integrisani zdravstveni informacioni sistem na području Zeničko-dobojskog kantona neće finansirati iz sredstava Zavoda, te da je isti potrebno finansirati iz sredstava budžeta Zeničko-dobojskog kantona.

Zaključkom Vlade Kantona broj: 02-37-17278/19 od 22.11.2019. godine, primljena ja na znanje Informacija Zavoda o informatizaciji zdravstvenog sistema broj: 01-119519/A.O od 18.11.2019. godine koja čini sastavni dio Zaključka.

Tačkom II. navedenog Zaključka zadužen je Zavod da u skladu sa Zakonom o javnim nabavkama, nastavi sa provođenjem aktivnosti u vezi sa nabavkom integrisanog zdravstvenog informacionog sistema na nivou Zeničko-dobojskog kantona i nastavi aktivnosti na sanaciji komunikacijske mreže za zdravstveni informacioni sistem.

Zaključkom Vlade Kantona broj: 02-37-10324/22 od 28.06.2022. godine, primljena je na znanje Informacija Zavoda o provedbi uspostavljanja integrisanog zdravstvenog informacionog sistema na nivou Zeničko-dobojskog kantona broj: 01-33-7900/22 od 06.06.2022. godine. Navedenim Zaključkom zadužen je Zavod da u skladu sa Zakonom o javnim nabavkama, nastavi sa provođenjem aktivnosti u vezi sa nabavkom integrisanog zdravstvenog informacionog sistema na nivou Zeničko-dobojskog kantona i nastavi aktivnosti na sanaciji komunikacijske mreže za zdravstveni informacioni sistem, te da nastavi aktivnosti na projektu nabavke i polaganja optičkog kabla za povezivanje zavoda sa JU Kantonalna bolnica Zenica, JU Zavod za medicinu rada i sportsku medicinu Zeničko-dobojskog kantona i JU „Dom zdravlja“ Zenica, te da Vladi Kantona dostavlja tromjesečne izvještaje o provedbi uspostavljanja integrisanog zdravstvenog informacionog sistema.

Zaključkom Vlade Kantona broj: 02-33-12603/22 od 18.08.2022. godine primljen je na znanje Program rada, razvoja i organizacije integrisanog zdravstvenog informacionog sistema na području Zeničko-dobojskog kantona broj: 01-100-83-713/22 od 03.08.2022. godine, koji je usvojen Odlukom Upravnog odbora Zavoda broj: 01-100-83-713/22 od 03.08.2022. godine.

Ministarstvo zdravstva je kao predlagač prethodno navedenih zaključaka Vladi Kantona, iste predlagao na osnovu prijedloga Zavoda (obrađivača materijala) koji su bili sadržani u Informacijama Zavoda.

Važno je istaći da su u Finansijskom planu Zavoda za 2022. godinu, bila planirana sredstva za nabavku integrisanog zdravstvenog informacionog sistema na području Zeničko-dobojskog kantona u iznosu od 7.000.0000,00 KM.

Kompletan proces informatizacije za koji su doneseni prethodno navedeni zaključci Vlade Kantona, a kojim je Zavod zadužen da u skladu sa Zakonom o javnim nabavkama, nastavi sa provođenjem aktivnosti u vezi sa nabavkom integrisanog zdravstvenog informacionog sistema na nivou Zeničko-dobojskog kantona, doveden je u pitanje, iz sljedećih razloga:

1. Zavod je u Finansijskom planu Zavoda za 2023. godinu, koji je dostavio Ministarstvu zdravstva dana 31.10.2022. godine, planirao sredstva za nabavku integrisanog zdravstvenog informacionog sistema na nivou Zeničko-dobojskog kantona u iznosu

od 7.000.0000,00 KM. Navedeni Finansijski plan Zavoda razmatran je na sjednici Vlade Kantona koja je održana dana 17.11.2022. godine. Ministar zdravstva kao predlagač materijala povukao je navedenu tačku dnevnog reda sa sjednice Vlade Kantona, iz razloga što je direktor Zavoda koji je bio izvjestilac po navedenoj tački dnevnog reda zatražio da ministar zdravstva kao predlagač navedenog materijala, povuče navedenu tačku dnevnog reda. Zaključkom Vlade Kantona broj: 02-11-17037/22 od 17.11.2022. godinu utvrđeno je da se tačka dnevnog reda: Prijedlog Odluke o davanju saglasnosti na Finansijski plan Zavoda zdravstvenog osiguranja Zeničko-dobojskog kantona za 2023. godinu, sa prijedlogom Zaključka o utvrđivanju prijedloga predlagača povlači sa dnevnog reda na prijedlog predlagača.

2. Zavod u Finansijskom planu Zavoda za 2023. godinu, koji je ponovo dostavio Ministarstvu zdravstva dana 23.11.2022. godine, nije planirao sredstva u iznosu od 7.000.0000,00 KM za nabavku integrisanog zdravstvenog informacionog sistema na nivou Zeničko-dobojskog kantona.

Ministarstvo zdravstva je nakon izvršenog uvida u Finansijski plan Zavoda za 2023. godinu, a zbog utvrđenih nedostataka vratilo Zavodu na doradu navedeni Finansijski plan dopisom od 30.11.2022. godine. Jedan od razloga vraćanja istog na doradu je što u novom Finansijskom planu za 2023. godinu, Zavod nije planirao sredstva za nabavku softvera za integrisani zdravstveni informacioni sistem na nivou Zeničko-dobojskog kantona i što u obrazloženju Zavod nije naveo razloge zbog kojih u Finansijskom planu nisu planirana sredstva po navedenom osnovu.

Na navedeni dopis Ministarstva zdravstva, Zavod je odgovorio dopisom od 30.11.2022. godine, u kojem je navedeno da iako je Zavod Zaključkom Vlade Kantona broj: 02-33-1032/22 od 28.06.2022. godine, zadužen da u skladu sa Zakonom o javnim nabavkama, nastavi sa provođenjem aktivnosti u vezi sa nabavkom integrisanog zdravstvenog informacionog sistema na nivou Zeničko-dobojskog kantona, Zavod je ocijenio da je članom 13. Zakona o zdravstvenoj zaštiti propisano da kanton osigurava sredstva za vršenje osnivačkih prava nad zdravstvenim ustanovama čiji je osnivač, a što obuhvata i investicijska ulaganja i investicijsko i tekuće održavanje zdravstvenih ustanova – prostora, medicinske i nemedicinske opreme i prijevoznih sredstava, te informatizaciju zdravstvene djelatnosti u skladu sa planom i programom mjera zdravstvene zaštite na području kantona koji utvrđuje vlada na prijedlog kantonalnog ministra. Dalje je navedeno da imajući u vidu navedenu zakonsku odredbu konstatuju da planiranje sredstava na ime kapitalnih transfera u zdravstvo u Finansijskom planu Zavoda za 2023. godinu, nema uporište u zakonskim propisima, te da je isto isključiva obaveza osnivača, koja se treba finansirati iz kantonalnog budžeta. Dalje je navedeno da iz prethodno navedenih razloga nisu planirana sredstva za nabavku softvera za integrisani zdravstveni informacioni sistem na nivou Zeničko-dobojskog kantona, te da se nabavka softvera treba finansirati i planirati iz kantonalnog budžeta.

Strategijom razvoja Zeničko-dobojskog kantona za period 2021.-2027. godine i Trogodišnjim planom rada Ministarstva zdravstva za 2022-2024. godinu, planirano je da će Zavod osigurati sredstva i provesti javnu nabavku za nabavku softvera za integrisani zdravstveni informacioni sistem na nivou Zeničko-dobojskog kantona.

Imajući u vidu novonastalu situaciju da Zavod nije planirao sredstva u Finansijskom planu Zavoda za 2023. godinu Ministarstvo zdravstva je u cilju razjašnjenja novonastale situacije dana 01.12.2022. godine, uputilo dopis Federalnom ministarstvu zdravstva, kojim je zatražena informacija da li Federalno ministarstvo zdravstva u narednom

periodu planira nastavljnje provođenja projekta „Jačanje zdravstvenog sektora – dodatno finansiranje“ (HSEP AF) putem kojeg je izvršena informatizacija u zdravstvu koja je završena 2016. godine, u kojoj je na Zavod izvršen prenos stalnih sredstava nabavljenih za potrebe Zavoda, ukupne vrijednosti 1.220.648.13 KM.

Ministarstvo zdravstva je dana 05.12.2022. godine zaprimilo odgovor Federalnog ministarstva zdravstva broj: 02-33-7599/22 u kojem je navedeno da je Federalno ministarstvo zdravstva u saradnji sa Svjetskom bankom u proteklom periodu pripremilo, pregovaralo i finaliziralo novi kreditni aranžman „Projekta unapređenja zdravstvenog sistema“ što je rezultiralo potpisivanjem kreditnog sporazuma na državnom nivou.

Dalje je navedeno da projekat ima za cilj unapređenje kvaliteta zdravstvenih usluga, kao i finansijskog stanja zdravstvenog sistema u BiH, uz efektivnije upravljanje, te da će Projekat imati dvije komponente: unapređenje učinka zdravstvenog sistema u Republici Srpskoj i unapređenje učinka zdravstvenog sistema u Federaciji BiH.

Dalje je navedeno da je u Federaciji projekat dizajniran tako da doprinese sveobuhvatnim reformama u cilju unapređenja kvaliteta zdravstvene zaštite, finansijske održivosti i efikasnog upravljanja, kako u zdravstvenim ustanovama i zavodima zdravstvenog osiguranja i javnog zdravlja.

Dalje je navedeno da će u okviru pod-komponente 2.1. „Unarjeđenje efikasnosti i kvaliteta zdravstvene zaštite“, projekat između ostalog podržavati ulaganje u softver i hardver za harmonizirane informacione tehnologije u zdravstvenim sistemima 10 kantona.

Dalje je navedeno da će se u okviru druge pod-komponente 2.2. „Jačanje upravljanja i finansijske održivosti zdravstvenih ustanova“ provesti nabavka hardvera i razvoj softvera za omogućavanje zdravstvenim ustanovama i zavodima zdravstvenog osiguranja unapređenje planiranja, izvršenja i praćenje budžeta, uključujući i njihovo izvještavanje o neizmirlanim obavezama, dugovima i finansijskom riziku.

Dalje je navedeno da će projekat podržavati uspostavljanje struktura odgovornosti sa jasno definiranim rezultatima za različite nivoe upravljanja (koji mogu činiti osnovu za poticanje po učinku, kako finansijske, tako i nefinansijske), kao i bolje planiranje kadrovskih resursa i njihovo upravljanje.

Dalje je navedeno da je preduvjet za ovu projektnu aktivnost sveobuhvatna situaciona analiza u ovoj oblasti na području FBiH koja bi trebala biti provedena u narednoj godini, na osnovu koje će se definisati naredni koraci i prioriteti razvoja informaciono-komunikacijskih tehnologija u FBiH. Dalje je navedeno da je planirano trajanje projekta 6 godina, te da se efikasnost očekuje u narednoj godini.

Imajući u vidu prethodno navedeno Ministarstvo zdravstva predlaže Vladi Kantona da usvoji predloženi Zaključak kojim se prima na znanje Informacija Ministarstva zdravstva u vezi sa stavom Zavoda zdravstvenog osiguranja Zeničko-dobojskog kantona da se integrisani zdravstveni informacioni sistem na području Zeničko-dobojskog kantona neće finansirati iz sredstava Zavoda zdravstvenog osiguranja Zeničko-dobojskog kantona broj: 11-11-18021/22 od 06.12.2022. godine, koja čini sastavni dio ovog Zaključka, stavljaju van snage Zaključci Vlade Kantona broj: 02-37-17278/19 od 22.11.2019. godine, broj: 02-33-10324/22 od 28.06.2022. godine i broj: 02-33-12603/22 od 18.08.2022. godine, zadužuje Zavod zdravstvenog osiguranja Zeničko-dobojskog kantona da nastavi implementaciju sanacije komunikacijske mreže za zdravstveni informacioni sistem Zeničko-dobojskog kantona i da nastavi aktivnosti na projektu nabavke i polaganja optičkog kabla za povezivanje Zavoda zdravstvenog osiguranja Zeničko-dobojskog kantona sa JU Kantonalna bolnica Zenica, JU Zavod za medicinu rada i sportsku medicinu Zeničko-dobojskog kantona i JU „Dom zdravlja“ Zenica i zadužuje Ministarstvo zdravstva da Vladi Zeničko-dobojskog kantona dostavlja redovne informacije u vezi sa nastavkom „Projekta unapređenja zdravstvenog sistema“, po

osnovu kreditnog sporazuma na državnom nivou, koji će provoditi Federalno ministarstvo zdravstva, koji će se provoditi u narednih 6 godina, a čiji početak je planiran u 2023. godini.

S poštovanjem!

Prilog:

1x Zaključak Vlade Kantona broj: 02-37-17278/19 od 22.11.2019. godine,

1x Zaključak Vlade Kantona broj: 02-33-10324/22 od 28.06.2022. godine,

1x Zaključak Vlade Kantona broj: 02-33-12609/22 od 18.08.2022. godine,

1x Odgovor Federalnog ministarstva zdravstva broj: 02-33-7599/22 od 05.12.2022. godine

1x Informacija Zavoda zdravstvenog osiguranja Zeničko-dobojskog kantona od 02.12.2022. godine

Broj: 11-11-18021/22

Zenica, 06.12.2022. godine

MINISTAR

dr Adnan Jupić